

Sakspapir

Saksbehandler	Arkiv	ArkivsakID
Marius Flemmen Knudsen	FA-S05	19/1

Saksnr	Utvalg	Type	Dato
017/2019	Kommunestyret	PS	28.03.2019

Krav om revisjon av konsesjonsvilkår i Eksingedalsvassdraget og Teigdalsvassdraget med koordinering av Steinslands-/Modalsvassdraget

Forslag til vedtak:

Kommunestyret i Modalen kommune fremmar krav om revisjon av konsesjonsvilkår for Steinslands-/Modalsvassdraget i samband med revisjon av konsesjonsvilkåra i Eksingedalsvassdraget og Teigdalsvassdraget.

Saksopplysningar:

Bakgrunn

Norge vassdrag- og energidirektorat (NVE) har i bred dagsett 11.01.2019 bedt Modalen kommune om å vurdere om kommunen vil fremme krav om revisjon av konsesjonsvilkår i Eksingedalsvassdraget, Teigdalsvassdraget og koordinering med Steinslands/Modalsvassdraget. Bakgrunnen for saka er at ulike interesseorganisasjonar har fremma krav til NVE om revisjon av konsesjonsvilkår for reguleringa av Eksingedalsvassdraget og Teigdalsvassdraget. Krava gjeld i hovudsak hovudkonsesjonen av Evanger kraftverk; *Kgl. res. av 04.03.1966: Reguleringer og overføringer i Eksingedalsvassdraget m.fl. iforbindelse med bygging av Evanger kraftstasjon.*

Vurdering

Det har i seinare tid vert gitt fleire tilleggskonsesjonar og planendringar i vassdraga. Ein samla gjennomgang av konsesjonar som skal reviderast, vert gjort i samanheng med revisjon av hovudkonsesjon, dersom det vert opna for revisjon.

I konsesjonen for Evanger kraftverk vart Skjerjevatn gjort om til tappemagasin for Evanger kraftverk. Seinare har Skjerjevatn blitt overført til Modalsvassdraget via Nygaard pumpekraftverk. Vidare omfattar Evangerkonsesjonen også andre overføringer frå Steinslandsvassdraget som Kvanngrovvatn

og Holskardvatn. NVE skriv i brevet at dei meiner at Steinslands-/ Modalsvassdraget også bør inkludert dersom det skal gjerast vilkårsrevisjon. Administrasjonen er samd i vurderinga til NVE, slik at vassdraga vert sett på under eit. Sjølv om vassdraga er regulert gjennom fleire konsesjonar, er dei som følgje av regulering knytt saman. Regulering av vassdrag er arealkrevjande og omfattar mange interesser og interessentar. Administrasjonen meiner det er positivt at NVE vil sjå på revideringa av fleire konsesjonar samla dersom det ønskes.

Krava om revisjon av vilkår er så langt fremma av interesseorganisasjonar. NVE viser til at det i retningslinene for revisjon av konsesjonsvilkår i vassdrag frå Olje- og energidepartementet. Her vert det uttalt at krav til revisjon av vilkår normalt bør fremmast og koordinerast gjennom kommunane. NVE ber derfor kommunane som er omfatta av reguleringane om ei kort utale om dei vil ynskjer å fremme revisjonskrav, og eventuelt kordleis kommunane ynskjer å koordinere arbeidet. Det er kommunane Voss, Vaksdal, Vik og Høyanger i tillegg til Modalen kommune som skal ta stilling til revisjon av konsesjonsvilkår. Eit slikt krav kan baserast på andre allmenne interesser enn det som interesseorganisasjonane har påpekt i sine krav.

Frist for tilbakemelding til NVE om kommunen ynskjer å fremme krav er 1. april 2019. Kommunen må ettersende eventuelle krav innan 1. juli 2019.

Konklusjon

Administrasjonen meiner at det vil vere naturleg å inkludera Steinslands-/Modalsvassdraget i vilkårsrevisjonen av Eksingedalsvassdraget og Teigdalsvassdraget då reguleringane er knytt saman. Det vil difor vere riktig at Modalen fremme krav om revisjon av konsesjonsvilkår til NVE. Administrasjonen meiner vidare at dei kommunane som fremmar krav om vilkårsrevisjon til desse konsesjonane bør samordne seg og jobba med eit felles krav/framlegg til NVE.

Kommunestyret - 017/2019

KS - behandling:

Ordførar orienterte kort om saka og svara på spørsmål
Samrøystes vedteke

KS - vedtak:

Kommunestyret i Modalen kommune fremmar krav om revisjon av konsesjonsvilkår for Steinslands-/Modalsvassdraget i samband med revisjon av konsesjonsvilkåra i Eksingedalsvassdraget og Teigdalsvassdraget.

Vedlegg:

Krav om revisjon av konsesjonsvilkår i Eksingedalsvassdraget og Teigdalsvassdraget samt koordinering med Ste (L)(29054)